



NEŠTO VIŠE

UDRUŽENJE GRAĐANA NEŠTO VIŠE
УДРУЖЕЊЕ ГРАЂАНА НЕШТО ВИШЕ
BOSNA I HERCEGOVINA

GODIŠNJI IZVJEŠTAJ 2025.



Sadržaj

Uvodna riječ
O nama
Kako djelujemo
Geografsko prisustvo
Projekti u 2025.
Finansijski indikatori

2025.



Aleksandar
Bundalo
IZVRŠNI
DIREKTOR

DRAGI PRIJATELJI

Godina 2025. za organizaciju NEŠTO VIŠE bila je godina intenzivnog rada, rasta i daljnjeg učvršćivanja naše uloge u lokalnim zajednicama širom Bosne i Hercegovine i regiona. Kroz brojne projekte, partnerstva i terenske aktivnosti nastavili smo djelovati u skladu s našom misijom – osnaživanje zajednica, pojedinaca i institucija kroz održivi razvoj, društvenu inkluziju, zaštitu okoliša i očuvanje kulturnog naslijeđa.

Tokom godine fokusirali smo se na konkretne potrebe lokalnih zajednica, posebno u oblastima klimatskih promjena i prilagođavanja, participativnog planiranja, jačanja kapaciteta mladih i civilnog društva, te promocije kulturnog i prirodnog naslijeđa kao resursa za održivi razvoj. Naš rad obilježila je bliska saradnja s opštinama i gradovima, obrazovnim institucijama, organizacijama civilnog društva, kao i nacionalnim i međunarodnim partnerima.

Kroz projekte finansirane od strane evropskih i drugih međunarodnih fondova, ali i kroz inicijative pokrenute na lokalnom nivou, NEŠTO VIŠE je u 2025. godini doprinosilo razvoju politika, jačanju znanja i vještina, te aktivnom uključivanju građana u procese donošenja odluka. Posebnu pažnju posvetili smo uključivanju mladih, žena i drugih ranjivih grupa, vjerujući da održive promjene mogu nastati samo kroz inkluzivne i participativne procese.

U okviru naših obrazovnih aktivnosti, poseban značaj ima Program stipendiranja Sanja Đermanović Bundalo, koji je i u 2025. godini nastavio pružati podršku talentovanim i motivisanim mladim ljudima u njihovom akademskom i ličnom razvoju. Program nosi snažnu poruku solidarnosti i dugoročnog ulaganja u znanje, njegujući vrijednosti odgovornosti, izvrsnosti i društvenog angažmana koje je utjelovljavala Sanja Đermanović Bundalo.

Ovaj godišnji izvještaj predstavlja pregled naših aktivnosti, ostvarenih rezultata i naučenih lekcija u 2025. godini. On je ujedno i potvrda naše posvećenosti transparentnosti, odgovornosti i kontinuiranom unapređenju rada, ali i poziv svim partnerima, donatorima i članovima zajednice da zajedno nastavimo graditi društvo u kojem „nešto više“ znači stvarne, dugoročne promjene.



Ko smo mi

Udruženje građana "NEŠTO VIŠE" je nevladina organizacija osnovana 1997. godine od strane grupe mladih ljudi iskusnih u radu sa organizacijama iz sektora civilnog društva u Bosni i Hercegovini (BiH). Izdavanjem rješenja RU-88/03 od strane Ministarstva pravde Bosne i Hercegovine, Udruženje stiče status organizacije registrovane na državnom nivou. Naši programi i projekti su realizovani u preko 70 gradova u Bosni i Hercegovini.

Naša vizija

Bosansko-hercegovačko društvo koje je moralno, odgovorno i tolerantno, podstiče kompetentnost, sigurnost i zajedništvo kroz uzajamnu brigu pojedinca i zajednice.

Naša misija

"Nešto Više" potiče pozitivne promjene u društvu pružanjem šanse pojedincima i grupama da se kroz formalno i neformalno obrazovanje, umrežavanje, rad, zajednička iskustva i pomoć drugima izgrade u kompetentne i odgovorne lidere koji vjerujući u sebe i druge gaje otvorenost i pripadnost svom društvu.

Naš moto

Učenje kroz rad.

Naši Ciljevi

- Povezivanje i razmjena iskustava građana iz BiH sa građanima iz Evrope i svijeta;
- Saradnja sa evropskim i svjetskim udruženjima i institucijama slične programske orijentacije;
- Očuvanje i razvijanje prirodnog, te kulturno-istorijskog nasljeđa;
- Zaštita životne sredine, energetska efikasnost i obnovljivi izvori energije;
- Zalaganje za razvoj poljoprivrede, sa naglaskom na organsku;
- Promoviranje i prakticiranje permakulture;
- Sveobuhvatan razvoj ruralnih područja;
- Zaštita i unapređenje mentalnog zdravlja, te osnaživanje i promoviranje zdravih životnih stilova;
- Ekonomsko osnaživanje ranjivih kategorija društva: mladih, žena, osoba sa invaliditetom, stanovnika ruralnih područja, nezaposlenih;
- Rad sa i za osobe sa invaliditetom u cilju njihove sveobuhvatne inkluzije u društvo;
- Pružanje raznih oblika pomoći ugroženim kategorijama u društvu;
- Poboljšanje socijalno ekonomskih uslova života u BiH;
- Podsticanje i razvoj preduzetništva mladih i stanovnika ruralnih područja
- Unapređenje poslovanja preduzetnika i preduzeća;
- Razbijanje predrasuda i zatvorenih sistema vrijednosti u BiH;
- Rad sa učenicima i studentima, te poboljšavanje uslova obrazovanja i studiranja;
- Podsticanje liderstva;
- Institucionalno jačanje i razvoj samog Udruženja kroz stalnu edukaciju članova i zaposlenih, primjenu savremenih metoda u radu, angažovanje kvalitetnih vanjskih saradnika i stvaranje partnerske mreže;

Geografsko prisustvo

Udruženje građana „Nešto više“ ima tri službene kancelarije: Centralnu Sarajevo, Područnu kancelariju Mostar i Područnu kancelariju Istočno Novo Sarajevo.

Osoblje Udruženja radi i živi u četiri grada Bosne i Hercegovine: Sarajevu, Banja Luci, Mostaru i Istočnom Sarajevu. Mostarski ured Udruženja nalazi se na imanju Udruženja u Humilišanima, gdje su stvoreni svi potrebni uslovi za rad osoblja - renovirana je jedna zgrada na imanju tako da se u njoj nalaze kancelarije, učionice i konferencijski prostor.

U cilju osiguranja održivosti, Udruženje je osnovalo vlastito socijalno preduzeće EkoDizajn d.o.o. koja se bavi proizvodnjom organskih sadnica, uređenjem dvorišta i voćnjaka po principima permakulture i organizacijom događaja, obuka.

UG Nešto Više djeluje širom Bosne i Hercegovine, tako da smo u posljednjih 25 godina realizovali projekte u preko 80 različitih lokalnih zajednica u BiH i organizovali preko stotinu volonterskih akcija u isto toliko zajednica.

KANCELARIJE

Sarajevo
Dobrinja, Trg Sabora bosanskog
36, 71000 Sarajevo, BiH

Mostar
Humilišani bb,
88000 Mostar, BiH

Istočno Novo Sarajevo
Hilandarska 16,

TIM UG NEŠTO VIŠE

Godišnji izvještaj 2025.




Aleksandar Bundalo, Izvršni direktor, Diplomirani menadžer, Saint Johns University/College of Saint Benedict, MN, SAD
Vanja Sudar, Menadžer programa rodne ravnopravnosti i programa saradnje sa CSBSJU Diplomirani sociolog i diplomant mirovnih studija, College of Saint Benedict/Saint Johns University, MN, SAD
Adem Lisičić, Menadžer programa preduzetništva i promocije, Diplomant društvenih nauka, Odsjek filmske produkcije, Saint Johns University/College of Saint Benedict, MN, SAD
Duško Cvjetinović, Menadžer omladinskih programa i finansija, Diplomirani inženjer elektrotehnike (Tehnički fakultet Čačak, Republika Srbija),
Željka Rubinić, Projekt asistent, Agronom, Univerzitet Mostar
Muhamed Garib, Agronom, Univerzitet Mostar
Sonja Vuković, Finansijski administrator, Diplomirani ekonomista, Univerzitet za poslovne studije, Fakultet za primjenjenu ekonomiju, Istočno Sarajevo
Adnan Cavičić dipecc, Univerzitet u Sarajevu - externi saradnik
Andrea Rodić, Projekt asistent, Poslovno-pravni tehničar, Ekonomska škola, Banja Luka, Diplomirani ekonomista, Banja Luka College, Banja Luka
Amra Fejić, Projekt koordinator, Magistar političkih nauka, Fakultet političkih nauka Univerziteta u Sarajevu.
Angelina Lučić, Projekt koordinator, Profesor fizičkog vaspitaja i obrazovanja, Fakultet za fizičku kulturu, Univerzitet Istočno Sarajevo



Zaštita kulturnog naslijeđa u BiH od strane mreža organizacija civilnog društva – Program PCH

(2024.-2027.)

Projekt jača participativnu demokraciju kroz javne konsultacije i saradnju OCD-a i kulturnih institucija u zaštiti materijalne kulturne baštine tokom EU integracija u BiH. Bolja zaštita baštine postiže se kroz četiri cilja: umrežavanje kulturnih OCD-a (OC1), unapređenje ustavno-pravnog okvira na entitetskom i kantonalnom nivou (OC2), zajedničko učešće OCD-a i institucija u obnovi (OC3) te prezentaciju obnovljenih dobara građanima i turistima (OC4). Projekat implementira NEŠTO VIŠE u partnerstvu s udrugom IMPERATIV iz Banje Luke. Ključne aktivnosti su: uspostava formalnih mreža na entitetskom nivou, jačanje kapaciteta 20 OCD-a i 10 institucija za politički dijalog i konsultacije, unapređenje propisa, dogovor o održivom prikupljanju sredstava za obnovu te promocija lokacija kulturnog naslijeđa širom BiH. Realizacija se provodi uz saradnju relevantnih komisija, zavoda, ministarstava, Brčko Distrikta i akademske zajednice.



Mladi lideri za budućnost

(2025.-2026.)

Cilj projekta je jačanje društvene kohezije, povjerenja i saradnje u lokalnim zajednicama kroz osnaživanje mladih putem edukacije, mentorstva i podrške za realizaciju njihovih inicijativa. Projekat ima dva specifična cilja: edukaciju 20 mladih (16–30 godina) iz liderskih vještina i primjenu stečenih znanja kroz rješavanje 10 identificiranih problema u 10 lokalnih zajednica. Selekcija učesnika provodi se u saradnji s Dijalog za budućnost 3 (DFF3) timom, prema kriterijima definisanim na početku projekta. Učesnici prolaze pet treninga (dva jednodnevna i tri dvodnevna) tokom perioda do osam mjeseci, s temama aktivizma, volonterizma, komunikacije i izrade projekata, te paralelno organizuju volonterske akcije u svojim sredinama. U saradnji s lokalnim organizacijama civilnog društva učesnici identifikuju problem, razvijaju ideju i uz mentorstvo je pretvaraju u projekat koji se realizuje u zajednici, a završni sastanak služi za razmjenu iskustava i evaluaciju programa. Teorija promjene polazi od toga da će osposobljeni mladi predstavljati ključan ljudski kapital za suočavanje zajednica s razvojnim izazovima.

Projekat finansira United Nations Secretary-General's Peacebuilding Fund (PBF) in Bosnia and Herzegovina

Vrijednost projekta: 109.698 KM



Naši projekti

RISE - faza II

(2022.-2025.)

Regionalni inkubator za socijalne preduzetnike RISE je projekat za motivisane, predane mlade ljude, koji su spremni da uče i da donose promjene za dobrobit Zapadnog Balkana. Cilj je podržati socijalno preduzetničke ideje koje će region učiniti boljim mjestom.

RISE Journey posebno je prilagođen program u kojem je učešće besplatno i koji će pomoći mladim da nauče, rastu i naprave promjene u svojoj okolini. Usredsređeni na saradnju, razmjenu ideja i vršnjačko učenje.

Podržavamo timove iz BiH koji razvijaju ideju ili inovativno rješenje za novi i bolji pristup obrazovanju, osnaživanju žena, kulturi, ruralnom razvoju, zdravlju ili zaposlenosti u svojoj zajednici. RISE daje podršku kroz grantove za mobilnost i razvoj poslovanja.

RISE implementira: Balkan Green Foundation, ARNO, NEŠTO VIŠE, Smart Kolektiv, IPC Tehnopolis and Yunus Social Business Balkans.


Konzorcij projekta čine: PULSE Group, RYCO, SEEYN and OFAJ DFJW

Projekat finasira AFD - Agence Française de Développement, Europska unija i RYCO..

Vrijednost projekta: 150.000 KM



This project is supported by the Agence Française de Développement, the European Union and Regional Youth Cooperation Office.



Budućnost je digitalna i osobe s invaliditetom su dio nje!

(2025.)

Projekat „Budućnost je digitalna i osobe s invaliditetom su dio nje“ ima za cilj unapređenje socijalne inkluzije i zapošljivosti osoba s invaliditetom (OSI) kroz edukaciju o digitalnim alatima i asistivnim tehnologijama. Kroz četveromjesečnu implementaciju, planirano je pružanje specijalizovanih radionica za 15 osoba sa invaliditetom iz Federacije BiH, koje će steći praktična znanja za rad na online platformama i povećanje ekonomske samostalnosti. Projekat uključuje obuku u korištenju digitalnih alata, asistivnih tehnologija, kao i razvoj poslovnih i pregovaračkih vještina kako bi OSI bile konkurentnije na tržištu rada.

Projekat finansira: Federalno ministarstvo rada i socijalne politike

Vrijednost projekta: 6.413 KM



Rad i unapređenje ljudskih prava kroz digitalizaciju

(2023.-2025.)

Projekat je usklađen sa globalnim pozivom za doprinos promociji i zaštiti ljudskih prava kako je navedeno u osnivačkoj povelji UN-a. Konkretno, projekat ima za cilj jačanje osnovnih sloboda, demokratije i vladavine prava u BiH. Fokusira se na podizanje svijesti, unapređenje znanja, te zaštitu i promociju prava grupa koje teže zaštiti ljudskih i radnih prava. Projekat realizuje LIR Evolution u saradnji sa „NEŠTO VIŠE“. Projekat će: 1) Sprovesti istraživanje i prikupiti znanja o ljudskim pravima na odabranim teritorijama; 2) Zalaže se za dostojanstven rad i poštovanje osnovnih radnih prava, uključujući sigurne i zdrave uslove rada; 3) Promovisati dužnu pažnju u poslovnim praksama, otvaranje visokokvalitetnih radnih mesta i ekonomsko osnaživanje; 4) Podsticati strukturirane i redovne dijaloge između državnih aktera, OCD-a i preduzeća o radnim pravima u digitalnom okruženju kako bi se promovisao pristup tehnologiji za marginalizovane grupe. Osim toga, projekat će uključiti marginaliziranu radnu populaciju i pružiti im informacije o njihovim radnim pravima i zaštiti zdravlja i sigurnosti na radu (OHS) kako bi im se omogućio dostojanstven rad, dostojanstvo, pravedna primanja i odgovarajući uslovi rada.

Projekat finansira Evropska unija

Vrijednost projekta: 210.657 EUR



Oblikovanje budućnosti Evrope

(2024.-2026.)

Projekt ima za cilj pružiti organizacijama mladih i mladim ljudima u partnerskim zemljama alate, vještine i stavove koji garantiraju značajnu mladalačku participaciju i dijalog s donosiocima odluka, osiguranje građanskog angažmana mladih i pružanje prostora za njihov glas u lokalnoj zajednici, nacionalnoj državi i europskom društvu. Ciljevi projekta su: izgraditi kapacitete organizacija mladih za korištenje inovativnih neformalnih alata i praksi koje potiču angažman zajednice i aktivnu participaciju mladih u javnom životu; poboljšati znanje i kapacitete organizacija mladih za promociju građanske kompetencije i medijske pismenosti kroz neformalno obrazovanje među mladima; potaknuti suradnju i razmjenu najboljih praksi u području rada s mladima u promoviranju aktivne participacije i borbi protiv lažnih vijesti i dezinformacija; podržati kvalitativni razvoj rada s mladima kroz primjenu obrazovnih materijala za kritičko razmišljanje, integrirano rješavanje problema, medijsku pismenost, ljudska prava, leaderske vještine i samorefleksiju

Projekat finansira: Evropska unija
(Erasmus+ KA2 Capacity Building in the Field of Youth)

Vrijednost projekta: 450.566 KM



Naši projekti

Oснаživanje žena: pravo na zajedničku imovinu/nasljeđe i politički angažman

(2024.-2025.)

Glavni cilj ovog projekta je promovisanje rodne ravnopravnosti kroz osnaživanje žena u Bosni i Hercegovini, sa posebnim fokusom na dva ključna aspekta: imovinska i nasljedna prava, te aktivno političko učešće. Ovaj cilj će se postići kroz sveobuhvatan pristup koji uključuje edukaciju, treninge, okrugle stolove, javne kampanje i podršku ženama iz različitih dijelova zemlje. Cilj projekta je osnažiti žene i djevojke u BiH da razumiju i ostvaruju svoja zakonska prava na imovinu i nasljedstvo i podržati ih u prevazilaženju zakonskih i društvenih barijera. Projektne aktivnosti su osmišljene da odgovore na specifične izazove sa kojima se suočavaju žene, koristeći iskustva i resurse iz urbanih sredina za podršku ženama u ruralnim područjima. Ovaj pristup omogućava integraciju različitih perspektiva i iskustava, što je ključno za uspješno promoviranje rodne ravnopravnosti i osiguranje jednakih prava za žene u BiH.

Projekat finansira: Canada Fund for Local Initiatives

Vrijednost projekta: 56.786 KM



NEŠTO VIŠE



Godišnji izvještaj 2025.

VOTE



FISHIMPACT

(2024.-2027.)

Projekt koji promoviše principe ESG-a (Environmental, Social, and Governance) i zdrave prehrabne navike radi povećanja konkurentnosti, diversifikacije tržišta i učinkovite komunikacije za potrošače u jadransko-jonskom sektoru akvakulture i ribarstva. FISHIMPACT će prikupljati najnovije informacije o dostupnim oznakama i sistemima certifikacije na nacionalnim, EU i IPA tržištima u vezi sa ekološkim, društvenim i zdravstvenim performansama proizvoda akvakulture, razviti skup ključnih indikatora učinka (KPI) u vezi sa standardima ESG, održivosti kao kao i zdravstvene i nutritivne vrijednosti proizvoda, te sve to uključiti u višejezični alat za samoevaluaciju za MSP.

Projekat finansira: Interreg IPA ADRION program u okviru Interreg fondova (Evropski fond za regionalni razvoj i IPA III)

Vrijednost projekta: 3.409.263 KM



Naši projekti

Od prepreka do uspjeha: Napredak u zapošljavanju osoba s invaliditetom u sektoru kibernetičke sigurnosti u BiH

(2024.-2025.)

Projekat za područje Bosne i Hercegovine koji ima za cilj povećati zapošljivost osoba s invaliditetom putem obrazovanja iz područja kibernetičke sigurnosti. Kroz projekt će se pružiti podrška za zapošljavanje ili zadržavanje postojećeg radnog mjesta za najmanje 50 osoba. Na početku će se provesti istraživanje tržišta kako bi se razvili kurikulum i edukacijski materijali prilagođeni potrebama poslodavaca. Projekt će uključivati organizaciju pet treninga/obuka iz kibernetičke sigurnosti za najmanje 50 osoba. Nakon edukacija svaki učesnik će imati priliku da se prijavi za: a) Praksu (za nezaposlene učesnike) osam sedmica stažiranja; b) Podršku učesnicima koji nemaju adekvatan hardver da pohađa obuku c) Subvencije za već zaposlena lica da zadrže posao.. Također, bit će razvijeni vodiči o kibernetičkoj sigurnosti i provedena opsežna medijska kampanja za promicanje važnosti ove teme.

Projekt finansira: United States Embassy Sarajevo

Vrijednost projekta: 442.842 KM



CZECH
AID




NEŠTO VIŠE



People
in Need





**PRIHODI
&
TROŠKOVI
KROZ GODINE**



ZAUVIJEK U NAŠIM SRCIMA



**PROGRAM STIPENDIRANJA
SANJA ĐERMANOVIĆ BUNDALO**

